



Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 2. stav 1. Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj: 6/06, 75/06, 44/07, 84/09 i 48/10), člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) i člana 19. Statuta općine Breza-Prečišćeni tekst ("Službeni glasnik Općine Breza", broj: 8/09) Općinsko vijeće Breza na sjednici održanoj dana 30.06.2011. godine, d o n o s i

## **O D L U K A** **O BEZBJEDNOSTI SAOBRAĆAJA** **NA PUTEVIMA OPĆINE BREZA**

### **I – OSNOVNE ODREDBE**

#### **Član 1.**

Ovom odlukom uređuju se: osnovni principi međusobnih odnosa i ponašanja učesnika i drugih subjekata u saobraćaju, osnovni uslovi koje moraju da zadovolje putevi na području Općine Breza u pogledu bezbjednosti saobraćaja, pravila saobraćaja na putevima općine Breza, sistem saobraćajnih znakova i znakova koje daju ovlaštena lica.

#### **Član 2.**

Učesnici u saobraćaju dužni su da poštuju odredbe ove Odluke, kao i odredbe Zakona i drugih propisa o bezbjednosti saobraćaja na putevima.

Učesnici u saobraćaju ne smiju da ometaju saobraćaj, oštećuju put, objekte i opremu na putu.

#### **Član 3.**

Putevi namijenjeni za saobraćaj na području Općine Breza, moraju da budu izgrađeni za bezbjedan i nesmetan saobraćaj i da odgovaraju osnovnim uslovima propisanim zakonom, podzakonskim aktima i ovom Odlukom, a preduzeća kojima je povjereno održavanje puteva moraju da ih održavaju tako da na njima u svim uslovima može da se odvija bezbjedan i nesmetan saobraćaj.

Preduzeća iz stava 1. ovog člana dužna su da blagovremeno otklanjaju sve nedostatke usljed kojih na određenim mjestima dolazi do saobraćajnih nesreća.

### **II – PUTEVI**

#### **Član 4.**

Putevi na području Općine Breza moraju se projektovati, izgrađivati, opreмати i održavati tako da odgovaraju svojoj namjeni i zahtjevima bezbjednosti saobraćaja.

**Član 5.**

Mrežu javnih puteva na području općine Breza čine: dionica regionalnog puta R 444 koja prolazi kroz područje općine Breza, lokalni putevi i ulice u naseljenim mjestima iz Odluke o razvrstavanju lokalnih cesta i ulica u gradu, iz člana 9. stav 2. Zakona o cestama u Federaciji Bosne i Hercegovine („Službene novine FBiH“, broj: 12/10).

Evidenciju o javnim putevima na području Općine Breza vodi Služba za privredu, finansije i opću upravu (U daljem tekstu: nadležna općinska Služba) na način određen u članu 13. stav 3. Zakona o osnovama o bezbjednosti saobraćaja na putevima u BiH.

**III SAOBRAĆAJNA PRAVILA****Član 6.**

Učesnici u saobraćaju dužni su da postupaju u skladu s propisima o pravilima saobraćaja, saobraćajnim znakovima postavljenim na putu i znacima i naredbama koje daju ovlaštena lica.

**Član 7.**

Nadležna općinska Služba prati saobraćajnu politiku, predlaže, odobrava i provodi mjere za unapređenje bezbjednosti saobraćaja, vrši organizaciju i izmjene režima saobraćaja na putevima Općine Breza, u skladu sa Zakonom i ovom Odlukom.

**Član 8.**

Izmjene režima saobraćaja ili ograničenje saobraćaja može izvršiti Policijska uprava – Policijska stanica (u daljem tekstu PU-PS Breza), u hitnim slučajevima koji ne trpe odlaganje, zbog održavanja javnog reda i mira (saobraćajne nezgode, nenajavljeni dolazak delegacija, mitinzi, protesti i sl).

**Član 9.**

Postavljanje i uklanjanje propisanih saobraćajnih znakova vrši ovlašteno lice uz odobrenje nadležne općinske službe koje se donosi uz saglasnost PU-PS Breza.

Osim propisanih saobraćajnih znakova, na javnim putevima Općine Breza dozvoljeno je postavljanje znakova i informacija, reklamnih panoa i natpisa na način i u postupku regulisanim Odlukom o komunalnom redu („Službeni glasnik Općine Breza“, broj: 3/2010)

prati stanje bezbjednosti saobraćaja na području Općine Breza.

Informaciju o bezbjednosti saobraćaja uz prijedlog mjera za poboljšanje bezbjednosti saobraćaja dostavlja Općinskom vijeću Breza jedanput godišnje a po potrebi i više puta.

**IV – OGRANIČENJE SAOBRAĆAJA****Član 12.**

Na putevima u naseljenim mjestima općine Breza vozač ne smije motornim vozilom da se kreće brzinom većom od 50 km na sat, ukoliko to saobraćajnim znakom nije drugačije regulisano

Početak i završetak naseljenih mjesta mora se obilježiti odgovarajućim saobraćajnim znakom, a po potrebi saobraćajnim znakom će se ograničiti i brzina kretanja motornih vozila u tim naseljenim mjestima.

Učesnici u saobraćaju dužni su da se pridržavaju ograničenja brzine kretanja motornog vozila, zabrana i obaveza izraženih pomoću postavljenih saobraćajnih znakova.

**Član 13.**

Zabranjeno je kretanje svim motornim vozilima u oba smjera u slijedećim ulicama:

- Ulica Alije Izetbegovića i to u dijelu ulice koji vodi prema zgradi kino sale Breza i gradskoj biblioteci „Muhamed Kantardžić“, .
- Ulica „Bosanska“,
- Ulica „Hasana Kjafije“.

Izuzetno, u ulicama iz prethodnog stava mogu se kretati:

1. vozila hitne pomoći, vatrogasne službe, vozila MUP-a i Oružanih snaga BiH, kad posebnim uedajima daju svjetlosne i zvučne znakove kad izvršavaju određene službene zadatke;
2. vozila osoba sa umanjenim tjelesnim sposobnost, ako im to vozilo služi kao pomagalo u kretanju;
3. vozila inspekcijskih organa kad vrše poslove iz svoje nadležnosti;
4. vozila za prijevoz posmrtnih ostataka;
5. vozila komunalnih i drugih preduzeća koja služe za održavanje čistoće, kanalizacije, vodovoda, grijanja, električnih i PTT vodova, kad obavljaju radnje za koje su namijenjena;
6. vozila servisa kad vrše razne servisne usluge;
7. vozila kad vrše snabdijevanje domaćinstava, trgovinskih i drugih subjekata u vremenu od 06 do 10 sati i od 16 do 18 sati, uz posjedovanje dokaza o isporuci robe ili vršenja usluga licu koje u navedenom prostoru posjeduje stambeni ili poslovni prostor.
8. vozila stanara i zaposlenika i predstavnika političkih stranaka i državnih i političkih delegacija, uz dokaz o pravu korištenja poslovnog prostora, garaže, stana ili dokaz o radnom odnosu,

Vozila iz stava 2. tačka 1. do 6. ovog člana moraju biti obilježena nazivom firme, organa, organizacije ili ustanove, a korisnici vozila iz tačke 7. i 8. ovog člana moraju posjedovati valjane dokaze o vršenju isporuke roba i usluga (ugovor, narudžbenica i sl.), pravu korištenja poslovnih prostora, stanova ili garaža i istaknuti ih na vidno mjesto.

#### **Član 14.**

Ulice sa jednosmjernim saobraćajem su:

1. Ulica Titova.  
U ovoj ulici se zabranjuje kretanje motornih vozila iz pravca „hotela“ do Radničkog doma u Brezi;
2. Dijelovi ulice Ismeta Šarića.  
U dijelu ulice Ismeta Šarića zabranjuje se kretanje motornih vozila iz pravca Mješovite srednje škole, odnosno od kućnog broja 25 do kućnog broja 2. Također se u dijelu ulice Ismeta Šarića zabranjuje kretanje motornih vozila iz pravca ulice Ismeta Šarića od kućnog broja 6 do kućnog broja 35, tačnije do spajanja ove ulice sa Šehidskom ulicom.

#### **Član 15.**

Zabranjuje se skretanje ulijevo:

1. Iz Šehidske ulice u ulicu Ismeta Šarića kod Mješovite srednje škole i to gledano iz pravca Breze prema Varešu;
2. Iz ulice Ismeta Šarića u dio istoimene ulice koji vodi prema kućnom broju 35, sve do spajanja sa ulicom Šehidska;

#### **Član 16.**

Zabranjuje se skretanje udesno:

1. Iz Šehidske ulice, gledano iz pravca Vareša u ulicu Ismeta Šarića i to kod Mješovite srednje škole;
2. Iz ulice ZAVNOBiH-a u ulicu Titova;

#### **Član 17.**

Putevi sa prvenstvom prolaza su:

Ukoliko saobraćajnim znakom nije drugačije regulisano, pravo prvenstva prolaza, u odnosu na vozila koja se kreću drugim ulicama, ili se uključuju sa parking prostora i drugih površina, imaju vozila koja se kreću ulicama: ! Šaš, Rudarska, Branilaca grada, Alije Izetbegovića, Šehidska, Bogumilska, Titova, Salke Bešlagića i Žrtava genocida u Srebrenici.

#### **Član 18.**

Ukoliko saobraćajnim znakom nije drugačije regulisano pravo prvenstva prolaza u odnosu na vozila koja se kreću drugim javnim i nekategorisanim putevima, ili ulicama u naseljenim mjestima, imaju vozila koja se kreću lokalnim putevima:

- Vrbovik
- Podžupća-Podgora
- Župća-Izbod
- Kahve-Izbod
- Kamenice-Bulbulušići
- Breza-Mahmutovića Rijeka
- Mahmutovića rijeka-Iljaš
- Dolovčići-Nasići
- Koritnik-Vlahinje
- Smailbegovići
- Mahala-Prhinje
- Vijesolići
- Gornja Breza
- Vardište
- Smrekovica
- Sutješćica
- Mahala

Tačne pravce pružanja lokalnih puteva navedenih u stavu 1 ovog člana, određuje služba za privredu, finansije i opću upravu Općine Breza.

### **V- ZAUSTAVLJANJE I PARKIRANJE**

#### **Član 19.**

Vozila koja prevoze opasne materije ne smiju se zadržavati na području grada Breza i u naseljenim mjestima općine Breza, osim na mjestima koja su drugim propisima predviđena za to (benzinske pumpe, naftni terinali, registrovana skladišta itd.).

#### **Član 20.**

Zabranjeno je zaustavljanje i parkiranje u svim ulicama u kojima se saobraćaj odvija u oba smjera, ukoliko saobraćajnim znakom ili oznakom na kolovozu nije drugačije određeno.

U ulicama sa jednosmjernim saobraćajem, vozila se mogu zaustavljati odnosno parkirati uz desnu ili lijevu ivicu kolovoza u pravcu kretanja, ako saobraćajnim znakom ili oznakama na kolovozu nije drugačije regulisano.

#### **Član 21.**

Osim u slučajevima određenim Zakonom, zabranjeno je zaustavljanje i parkiranje vozila:

1. Ispred raskrsnice na udaljenosti manjoj od 5 m od neprekinute linije za prestrojavanje vozila,
2. ispred ulaza u zgrade i podrumске prostorije,
3. na površinama javnog saobraćaja (stazama) u stambenim blokovima, kada je širina slobodnog prolaza manja od 3 m,
4. na stajalištu javnog gradskog i međugradskog ili taksi prijevoza, kao i na udaljenosti manjoj od 15 m ispred ili iza znaka kojim je obilježena stanica, odnosno stajalište,
5. ispred ulaza u garažu ili u pasažu ,
6. na ulazu u trafo-stanicu i javne telefonske govornice, na vodovodnim, PTT, kanalizacionim i drugim šahtovima,
7. na kolovozu ispred ulaza na mjesto na kome se nalaze posude za smeće,
8. na saobraćajnim površinama koje služe kao prilazi obdaništima, školama, ambulancama, grebljima, kao i drugim javnim, vjerskim, kulturnim i administrativnim objektima,
9. na zelenim površinama,
10. na površinama namijenjenim za kretanje pješaka-trotoarima.
11. Na školskim dvorištima, ukoliko rješenjem nadležne službe nije drugačije određeno.

#### **Član 22.**

Na mjestima i ulicama u kojima je ograničeno ili zabranjeno zaustavljanje i parkiranje vozila, mogu se samo zaustaviti vozila iz člana 13. stav 2. tačke 1. do 5. ove odluke.

#### **Član 23.**

Na području gradskih cesta namijenjenih za saobraćaj zabranjeno je parkiranje autobusa, teretnih vozila preko dvije i po tone najveće dozvoljene mase, kamp prikolica, kao i teretnih vozila samostalnih autoprevoznika, osim na posebnim mjestima (parkiralištima) koja su određena ovom odlukom.

#### **Član 24.**

Za zaustavljanje i parkiranje motornih vozila na području grada utvrđuju se javna parkirališta.

Javnim parkiralištem smatra se javna površina namijenjena isključivo za zaustavljanje i parkiranje motornih vozila.

Javna parkirališta mogu biti stalna i privremena.

#### **Član 25.**

Javna parkirališta u smislu ove odluke su površine na kojima se mogu parkirati motorna vozila duže od 5 minuta.

Javna parkirališta mogu biti opća, posebna i rezervisani prostor za parkiranje.

#### **Član 26.**

Opća parkirališta su mjesta na kojima se mogu parkirati putnički automobili, kombi vozila i i teretna motorna vozila do 2,5 tone dozvoljene mase.

Posebna parkirališta su mjesta na kojima se mogu parkirati ostala motorna vozila (teretna vozila, traktori, autobusi, putnički automobili sa kamp-prikolicama i dr.).

Rezervisani prostor za parkiranje motornih vozila je prostor koji je rezervisan za potrebe parkiranja motornih vozila javnih preduzeća i drugih vozila sa odobrenjem.

#### **Član 27.**

Javna parkirališta moraju biti označena saobraćajnom signalizacijom u skladu sa propisima o bezbjednosti saobraćaja.

#### **Član 28.**

Stalna opća parkirališta su:

1. Parking prostor u ulici Bosanska,
2. Parking prostor u ulici Titova ( kod autobusnog stajališta),
3. Parking prostor ispred sportsko rekreacionog centra „ADA“ Breza,
4. parking prostor u ulici Ismeta Šarića,
5. Parking prostor uz zgradu Albanija,

Privremena opća parkirališta su:

1. Parking prostor ispred zgrade Općine Breza, osim radnim danima u vremenu od 7 – 16 sati,
2. Plato Bečarska,

Posebna parkirališta su:

1. Plato preko puta zgrade tehničkog pregleda sa ulazom iz ulice Odred Sretno,

Rezervisani prostori za parkiranje su označeni prostori ispred javnih, obrazovnih, poslovnih i stambenih objekata, a prema rješenju nadležnog organa izdatog po zahtjevu korisnika.

Tačne lokacije, ukupne površine i druge elemente korištenja parkirališta definisat će nadležna služba pojedinačnim aktima.

#### **Član 29.**

Pružanje usluga parkirališta općina će povjeriti pravnom ili fizičkom licu u skladu sa članom 8. i 9. Zakona o komunalnim djelatnostima („Sl.novine Ze-do kantona“, broj 17/08).

#### **Član 30.**

Za korištenje javnih parkirališta plaćat će se novčana naknada ovisno o vremenu korištenja parkirališnih mjesta.

#### **Član 31.**

Naknada za korištenje parkirališta plaćat će se za korištenje javnih parkirališta u vremenu od 07,00 do 22,00 sati.

U periodu od 22,00 do 07,00 sati narednog dana, parkiralište se može koristiti kao slobodan prostor.

#### **Član 32.**

Kriteriji za utvrđivanje cijene parkiranja, kao i ostale uslove korištenja parking prostora, propisat će Općinski načelnik svojom odlukom uz prethodnu saglasnost Općinskog vijeća.

#### **Član 33.**

Za stanare ulica u kojima se naplaćuje parkiranje i pravne osobe koje imaju sjedište u tim ulicama mogu se uvesti povlašteni uvjeti parkiranja u pogledu trajanja i cijene parkiranja, što se definiše ugovorom sa davaocem usluga iz člana 29. Odluke.

#### **Član 34.**

Služba za prostorno uređenje, zaštitu okolice, geodetske i imovinsko-pravne poslove svojim aktom će utvrditi broj posebnih parking mjesta na svakom javnom parkiralištu (invalidna lica, lica sa posebnim ovlaštenjima i dr), koja će davalac usluge parkiranja na odgovarajući način obilježiti.

#### **Član 35.**

Na mjestima gdje je dozvoljeno zaustavljanje i parkiranje vozila, zabranjeno je ostaviti neispravno i havarisano vozilo duže od 24 sata.

Ako policijski službenik ili komunalni inspektor utvrdi da se na površini na kojoj se odvija saobraćaj ili na površinama neposredno uz kolovoz, ili na zelenoj površini, nalazi vozilo ostavljeno na način iz prethodnog stava, odredit će se da se takvo vozilo ukloni o trošku njegova vlasnika, odnosno korisnika i premjesti na za to određeno mjesto.

Ako je vlasnik, odnosno korisnik nepoznat, vozilo će se ukloniti na teret sredstava općine Breza.

## **VI - REGISTRACIJA ZAPREŽNIH VOZILA**

### **Član 36.**

Zaprežno vozilo u saobraćaju na cestama mora biti registrovano.

Registrovati se može zaprežno vozilo koje ispunjava sljedeće uvjete:

1. da ima odgovarajuće svjetlosne uređaje, propisane zakonom,
2. da ima ispravne uređaje za kočenje i upravljanje,
3. da je propisanih gabarita i dozvoljene mase,

### **Član 37.**

Registracija zaprežnih vozila vrši se upisom u registar zaprežnih vozila, koji sadrži sljedeće rubrike: redni broj, ime i prezime vlasnika, adresa, JMB, datum upisa u registar, registarska oznaka i primjedbe.

Vozilo se registruje na ime vlasnika.

Ako je vozilo svojina više lica, vozilo se registruje na ime jednog od tih lica.

### **Član 38.**

Registraciju zaprežnih vozila vrši nadležna općinska Služba.

### **Član 39.**

Ako se vlasnik zaprežnog vozila preseli na područje druge općine ili ako vozilo proda ili na drugi način otuđi, dužan je u roku od 30 dana da izvrši odjavu zaprežnog vozila.

### **Član 40.**

Ovlašteno službeno lice PU-PS Breza isključit će iz saobraćaja zaprežno vozilo za koje utvrdi da nema ispravan uređaj za kočenje i upravljanje.

### **Član 41.**

Za registrovano zaprežno vozilo izdaje se potvrda o registraciji i jedna registarska tablica.

Zaprežna vozila podliježu ponovnoj registraciji samo prilikom promjene vlasnika, odnosno nosioca prava korištenja, kao i prilikom promjene prebivališta vlasnika vozila.

Potvrda o registraciji zaprežnog vozila sadrži sljedeće podatke: redni broj, adresu stanovanja, ime i prezime vlasnika, JMB, naziv organa koji izdaje potvrdu, registarski broj tablice, datum registracije, potpis ovlaštenog lica i pečat, te primjedbe o nastalim promjenama.

Potvrda iz prethodnog stava je dimenzija 10 x 7 cm, izrađena od kvalitetnog plastificiranog papira bijele boje, ispisana pismom i jezikom u skladu sa pravilnikom o javnim ispravama.

### **Član 42.**

Troškove registarskih tablica i potvrde o registraciji za zaprežno vozilo snosi vlasnik

vozila.

Visina troškova utvrđuje se zaključkom koji donosi Općinski načelnik.

## **VII - DJEČIJE IGRE NA JAVNOM PUTU**

### **Član 43.**

Služba za prostorno uređenje, zaštitu okoline, geodetske i imovinsko-pravne poslove, uz prethodno mišljenje PU-PS Breza, u slučaju potrebe, propisat će na kojim putevima i u koje vrijeme su dozvoljene dječije igre (klizanje, sankanje, igranje loptom, vožnja na koturaljkama, dječijem biciklu itd.).

### **Član 44.**

Putevi na kojima se dozvole dječije igre moraju biti obilježeni saobraćajnim znakom i zabranjene su za saobraćaj vozila u vremenu u kojem su dozvoljene dječije igre.

## **VIII–POSEBNE MJERE BEZBJEDNOSTI**

### **Član 45.**

Zabranjeno je vršiti prodaju ili izlagati vozila za prodaju na javnom putu, trgovima, trotoarima, parkinzima ili drugim površinama koje su određene za saobraćaj vozila ili kretanje pješaka.

Prodaja i izlaganje vozila može se vršiti samo na mjestu određenom za tu svrhu.

### **Član 46.**

Pranje i popravka vozila na ulicama, trotoarima i drugim javnim putevima namijenjenim za saobraćaj zabranjeno je.

Izuzetno, na licu mjesta se mogu vršiti nužne popravke na vozilu nastale u toku vožnje, samo ako se kvar na drugi način ne može otkloniti, pod uvjetom da se time ne ometa uredno i bezbjedno odvijanje saobraćaja.

### **Član 47.**

Ako se dio kolovoza ili trotoara ne može koristiti za saobraćaj vozila ili kretanje pješaka zbog privremene opasnosti (odronjavanje sa zgrade, skidanje snijega, radovi i sl.) izvođač radova dužan je da postavi odgovarajuće saobraćajne znakove na oba kraja tog prostora.

Obavezu označavanja opasnog ili oštećenog mjesta ima i korisnik ili vlasnik infrastrukturnih instalacija.

### **Član 48.**

Ispred škola i ustanova za predškolski odgoj, koje se nalaze pored saobraćajnica, moraju se postaviti zaštitne ograde.

### **Član 49.**

Davalac usluge održavanja svjetlosne signalizacije, dužan je svakodnevno vršiti pregled ispravnosti i kvarove otklanjati odmah.

### **Član 50.**

Horizontalna saobraćajna signalizacija na javnim putevima, autobuskim i taksi stajalištima mora se obnavljati najmanje jedanput godišnje.

### **Član 51.**



O postavljanju, održavanju i kontroli saobraćajnih znakova, oznaka na kolovozima i druge opreme za regulisanje saobraćaja, redovno se stara Služba za opću upravu, privredu i finansije, nadležna općinska inspekcija i PU-PS Breza, svako iz svoje nadležnosti.

#### **Član 52.**

Regulisanje saobraćaja na raskrsnicama sa većim intezitetom saobraćaja ili sa nedovoljnom preglednošću vrši se pomoću uređaja za davanje svjetlosnih saobraćajnih znakova.

Uređaji iz prethodnog stava postavljaju se na raskrsnicama:

1. Raskrsnica ulica Alije Izetbegovića-Odred Sretno i 6.April (raskrsnica gdje već postoji postavljen uređaj);
2. Raskrsnica ulica Alije Izetbegovića i Šehidska (raskrsnica kod Doma zdravlja, odnosno gradske apoteke);
3. Raskrsnica Ulica Alije Izetbegovića-Džemala Bijedića i Bosanske ulice;
4. Raskrsnica kod OŠ Safvet beg Bašagić.

### **IX – ZAŠTITA JAVNIH SAOBRAĆAJNIH POVRŠINA**

#### **Član 53.**

Zabranjeno je bez odobrenja, na bilo koji način, na javnim putevima ostavljati, postavljati, ugrađivati predmete ili materijale ili izvoditi radove kojim se oštećuju površine, objekti i oprema koji pripadaju javnim putevima, zauzimaju javni put, ometa odvijanje saobraćaja na javnom putu ili ugrožava čovjekova okolina.

#### **Član 54.**

Zabranjeno je neovlašteno postavljanje, uklanjanje i oštećivanje saobraćajnih znakova i opreme puta ili izmjene značenja saobraćajnih znakova.

#### **Član 55.**

Lice koje je nanijelo štetu iz člana 55. i 56. dužno je nadoknaditi štetu prema cjenovniku ili ponudi izvođača radova odmah, a najkasnije u roku od 8 dana od dana nastanka štete, prema zaključku nadležnog općinskog organa-inspekcije, a ukoliko je pokrenut sudski postupak utvrđivanja krivice, 8 dana od dana pravosnažnosti sudske presude.

### **X – NADZOR**

#### **Član 56.**

Nadzor nad provođenjem ove odluke obavlja PU-PS Breza i nadležna općinska Služba putem nadležne inspekcije, svako u okviru svojih nadležnosti.

Policijski i inspekcijski nadzor nad općim i pojedinačnim aktima, uvjete i način nadziranja te poduzimanje mjera određenih ovom odlukom, provode ovlaštena službena lica policije i nadležna inspekcija.

#### **Član 57.**

Inspekcija ima pravo i dužnost da :

1. naredi otklanjanje nedostataka koji su u suprotnosti sa ovom odlukom.
2. obustavi ili zabrani radove ili radnje koje su u suprotnosti sa ovom odlukom.
3. naredi ili odobri da se poduzmu radnje ili radovi zbog dovođenja u prvobitno ili ispravno stanje.
4. poduzme ostale mjere i radnje u cilju provođenja ove Odluke i drugih propisa iz ove oblasti.

Inspekcijski pregled kao i kompletan upravni postupak vrši se prema Zakonu o upravnom postupku, Zakonu o organizaciji uprave u FBiH i ovoj Odluci.

#### **Član 58.**

U slučaju kad je ugrožena bezbjednost saobraćaja, te životi i zdravlje ljudi, inspektor može narediti otklanjanje nedostataka ili poduzimanje određene radnje ili radova i inspekcijskim zapisnikom, s tim što je obavezan donijeti rješenje u roku od tri dana od dana uručivanja zapisnika.

Rok izvršenje teče od dana predaje zapisnika.

Na zahtjev inspekcije PU-PS Breza je dužna pružiti asistenciju policije.

### **XI – KAZNE NE ODREDBE**

#### **Član 59.**

Novčanom kaznom u iznosu od 200,00 KM do 5.000,00 KM kaznit će se za prekršaj pravno lice i to:

1. ako ne održava i ne pruža usluge javnih parkirališta;
2. ako ne plati naknadu za korištenje parkirališta;
3. ako rezervisani prostor za parkiranje nije urađen i označen odgovarajućom vertikalnom i horizontalnom saobraćajnom signalizacijom ;
4. ako ne izvrši objavu zapreznog vozila u slučajevima ili roku iz člana 39. ove Odluke,
5. ako vrši prodaju ili izlaže vozilo protivno odredbama člana 45. ove Odluke;
6. ako pere i vrši popravku vozila na ulicama, trotoarima i javnim putevima;
7. ako ne postavi saobraćajnu signalizaciju za slučajeve iz člana 47. ove Odluke;
8. ako ne postavi zaštitnu ogradu predviđenu u članu 48. ove Odluke;
9. ako ne obnovi najmanje jednom godišnje oznake na saobraćajnicama, autobuskim stanicama i taksi stajalištima;
10. ako bez odobrenja, na bilo koji način, na javnim saobraćajnim površinama ostavlja, postavlja, ugrađuje i sl. predmete ili materijale ili izvodi radove kojim se oštećuju površine, objekti i oprema koje pripadaju tim javnim putevima, zauzima saobraćajne površine, ometa odvijanje saobraćaja ili ugrožava čovjekovu okolinu;

Za prekršaje iz prethodnog stava kaznit će se i odgovorno lice u pravnom licu novčanom kaznom od 100,00 KM do 800,00 KM.

Za prekršaje iz stava 1. ovog člana kaznit će se i fizička osoba novčanom kaznom od 30,00 KM do 800,00 KM.

#### **Član 60.**

Novčanom kaznom od 30,00 KM do 500,00 KM kaznit će se za prekršaje:

1. vozač vozila koji prevozi opasne materije koji se zadržavaju na području grada protivno odredbama člana 19. ove Odluke,
2. vozač vozila koji zaustavi i parkira vozilo suprotno odredbama člana 19.,20. i,21 ove Odluke,
3. vozač koji zaustavi ili parkira vozilo na posebno odnosno rezervisano parking mjesto;
4. lice koje upravlja zapregom koja nije registrovana.

#### **Član 61.**

Novčane kazne naplaćene po ovoj odluci prihod su općine Breza, a koriste se za finansiranje preventivnih aktivnosti u bezbjednosti saobraćaja (informativno-propagandna djelatnost, unapređenje saobraćajno-tehničke kulture, nabavke i postavljanje saobraćajnih znakova, sanacija ulica i dr.).

**XIII ZAVRŠNE ODREDBE****Član 62.**

Evidencije iz člana 5. stav 2. I člana 10. ove Odluke nadležna općinska služba uspostaviti će u roku od 90 dana od dana stupanja na snagu ove Odluke.

Stanje postojeće saobraćajne signalizacije sa prijedlogom mjera za uređenje i poboljšanje ove oblasti, kao i potrebu drugačijeg regulisanja brzine kretanja motornih vozila iz člana 12. stav 1. Odluke, nadležna općinska služba zajedno sa službenicima PU-PS Breza, utvrdit će u roku od 60 dana od dana stupanja na snagu ove Odluke.

Ograničenja saobraćaja u pogledu ukupne dopuštene mase i osovinskog pritiska utvrdit će se nalazom stručnog tijela a na temelju investicijsko-tehničke dokumentacije lokalnih puteva i ulica u gradu i prigradskim naseljima, a u skladu sa Zakonom o cestama („Službene novine FBiH“, broj 12/10.).

Nadležna općinska Služba dužna je da u roku od 30 dana od dana stupanja na snagu ove Odluke uspostavi evidencije i potvrde o registraciji zaprežnih vozila i definiše postupak njihove registracije.

**Član 63.**

Stupanjem na snagu ove odluke prestaje da važi Odluka o bezbjednosti saobraćaja ("Službeni glasnik općine Breza", br.4/2002).

**Član 64.**

Ova odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-828/2011  
Breza, 30.06.2011.godine

PREDSJEDAVAJUĆI  
Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Na osnovu člana 2. stav 1. Zakona o javnim preduzećima u Federaciji Bosne i Hercegovine ("Službene novine FBiH", broj 8/05 i 81/08 i 22/09,), člana 311. stav 2. Zakona o privrednim društvima ("Službene novine FBiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 19. tačka 19. Statuta Općine Breza ("Službeni glasnik Općine Breza", broj 8/09 – Prečišćeni tekst), Općinsko vijeće Breza na sjednici održanoj dana 30.06.2011. godine donosi

**O D L U K U**

**o izmjenama Odluke o usklađivanju sa Zakonom o javnim preduzećima, promjeni oblika preduzeća, promjeni firme i promjeni djelatnosti Javnog komunalnog preduzeća "Breza" u Brezi**

**Član 1.**

U Odluci o usklađivanju sa Zakonom o javnim preduzećima, promjeni oblika

preduzeća, promjeni firme i promjeni djelatnosti Javnog komunalnog preduzeća "Breza" u Brezi ("Službeni glasnik Općine Breza", broj 1/2010 – Prečišćeni tekst), član 3. mijenja se i glasi:

Preduzeće će obavljati sljedeće djelatnosti:

- 33.11 Popravak proizvoda od metala,
- 35.30 Proizvodnja i snabdijevanje parom i klimatizacija,
- 36.00 Sakupljanje, prečišćavanje i snabdijevanje vodom,
- 37.00 Uklanjanje otpadnih voda,
- 38.11 Sakupljanje neopasnog otpada,
- 38.21 Obrada i zbrinjavanje neopasnog otpada,
- 38.32 Reciklaža posebno izdvojenih materijala,
- 41.20 Gradnja stambenih i nestambenih zgrada,
- 42.21 Gradnja cjevovoda za tečnosti i plinove,
- 42.99 Gradnja ostalih građevina niskogradnje, d.n.,
- 43.11 Uklanjanje građevina,
- 43.12 Pripremni radovi na gradilištu,
- 43.22 Uvođenje instalacija vodovoda, kanalizacije i plina i instalacija za grijanje i klimatizaciju,
- 43.31 Fasadni i štukatorski radovi,
- 43.32 Ugradnja stolarije,
- 43.33 Postavljanje podnih i zidnih obloga,
- 43.34 Bojenje i staklarski radovi,
- 43.39 Ostali završni građevinski radovi,
- 43.91 Podizanje krovnih konstrukcija i pokrivanje krovova,
- 43.99 Ostale specijalizirane građevinske djelatnosti, d.n.,
- 49.50 Cjevovodni transport,
- 52.21 Uslužne djelatnosti u vezi s kopnenim prijevozom,
- 68.32 Upravljanje nekretninama uz naknadu ili na osnovu ugovora,
- 71.20 Tehničko ispitivanje i analiza,
- 81.21 Osnovno čišćenje zgrada,
- 81.22 Ostale djelatnosti čišćenja zgrada i objekata,
- 81.29 Ostale djelatnosti čišćenja,
- 81.30 Uslužne djelatnosti uređenja i održavanja zelenih površina,
- 82.99 Ostale poslovne pomoćne usluzne djelatnosti, d.n.,
- 96.03 Pogrebne i srodne djelatnosti.

## Član 2.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1099/11  
Breza, 30.06.2011. godine

PREDSJEDAVAJUĆI  
Općinskog vijeća  
Vinko Pandža, s.r.

Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 2.12. Izbornog Zakona BiH (" Službeni glasnik BiH ", broj : 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08 i 32/10), te člana 19. tačka 25.Statuta Općine Breza ("Službeni glasnik Općine Breza", broj 8/09 – Prečušćeni tekst) i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj : 9/10 i 37/10), Općinsko vijeće Breza, na sjednici održanoj 30.06.2011.godine, donosi

## **O D L U K U**

### **o stavljanju van snage Odluke o raspisivanju javnog oglasa za imenovanje člana Općinske izborne komisije Breza**

#### Član 1.

Stavlja se van snage Odluka o raspisivanju javnog oglasa za imenovanje člana Općinske izborne komisije Breza („Službeni glasnik Općine Breza“, broj 3/2011).

#### Član 2.

Ova Odluka stupa na snagu danom donošenja i ima se objaviti u „Službenom glasniku Općine Breza“.

Broj: 01/1-02-1100/11  
Breza, 30.06.2011.godine

**PREDSJEDAVAJUĆI**  
Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 2.12. Izbornog Zakona BiH (" Službeni glasnik BiH ", broj : 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08 i 32/10), te člana 19. tačka 25.Statuta Općine Breza ("Službeni glasnik Općine Breza", broj 8/09 – Prečušćeni tekst) i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj : 9/10 i 37/10) ,Općinsko vijeće Breza, na sjednici održanoj 30.06.2011.godine, donosi

## **O D L U K U**

### **o raspisivanju javnog oglasa za imenovanje člana Općinske izborne komisije Breza**

#### Član 1.

Raspisuje se javni oglas za imenovanje člana Općinske izborne komisije Breza.

#### Član 2.

Javni oglas, iz predhodnog člana, objaviti najmanje u jednom dnevnom listu koji izlazi na području Bosne i Hercegovine i na web stranici Općine Breza.

#### Član 3.

Postupak javnog oglasa provest će Komisija za izbor, imenovanja i administrativne poslove Općinskog vijeća Breza, u skladu sa odredbama Izbornog Zakona BiH i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u BiH.

**Član 4.**

Komisija za izbor, imenovanja i administrativne poslove će najkasnije o ruku od 7 dana od dana zaključenja javnog oglasa utvrditi listu kandidata za člana Općinske izborne komisije i istu dostaviti Općinskom vijeću Breza.

**Član 5.**

Sastavni dio ove Odluke je javni oglas, koji će se objaviti u dnevnom listu iz člana 2. ove Odluke.

**Član 6.**

Odluku objaviti u "Službenom glasniku Općine Breza".

Broj: 01/1-02-1106/11  
Breza, 30.06.2011.godine

PREDSJEDAVALA  
Općinskog vijeća  
Vinko Pandža, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-1208/11  
Breza, 30.06.2011.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Izvještaja o radu Skupštine Javnog preduzeća „Komunalno“ d.o.o. Breza za 2010.godinu, Općinsko vijeće Breza na sjednici održanoj dana 30.06.2011. godine, donosi

## **ZAKLJUČAK**

**I**

USVAJA SE Izvještaj o radu Skupštine Javnog preduzeća „Komunalno“ d.o.o. Breza za 2010.godinu.

**II**

Ovaj Zaključak objaviti u „Službenom glasniku Općine Breza“.

**DOSTAVLJENO:**

1x Skupština JP „Komunalno“ d.o.o. Breza,  
1x Direktor JP „Komunalno“ d.o.o. Breza,  
1x 01/1,  
1x Arhiva.

**PREDSJEDAVALA**

Općinskog vijeća  
Vinko Pandža, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton

**OPĆINA BREZA**

Općinsko vijeće

Broj: 01/1-02-1102/11  
Breza, 30.06.2011.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Izvještaja o stanju zapošljavanja na području Općine Breza te o broju nezaposlenih po kvalifikacionoj strukturi za 2010.godinu, Općinsko vijeće Breza na sjednici održanoj dana 30.06.2011. godine, donosi

**ZAKLJUČAK****I**

USVAJA SE Izvještaj o stanju zapošljavanja na području Općine Breza te o broju nezaposlenih po kvalifikacionoj strukturi za 2010.godinu.

**II**

Ovaj Zaključak objaviti u „Službenom glasniku Općine Breza“.

**DOSTAVLJENO:**

1x Biro rada Breza,  
1x 01/1,  
1x Arhiva.

**PREDSJEDAVAJUĆI**

Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-957/11  
Breza, 30.06.2011.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Poslovnika o radu Komisije za budžet i finansije, Općinsko vijeće Breza na sjednici održanoj dana 30.06.2011. godine, donosi

**ZAKLJUČAK****I**

DAJE SE SAGLASNOST na Poslovnik o radu Komisije za budžet i finansije.

**II**

Ovaj Zaključak objaviti u „Službenom glasniku Općine Breza“.

## DOSTAVLJENO:

1x Pred.Kom.za budžet i finansije,  
1x Služba za priv.finan.i opcu upravu,  
1x 01/1,  
1x Arhiva.

## PREDSJEDAVAJUĆI

Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-1101/11  
Breza, 30.06.2011.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Programa rada Komisije za zaštitu životne sredine za 2011.godinu, Općinsko vijeće Breza na sjednici održanoj dana 30.06.2011. godine, donosi

**ZAKLJUČAK****I**

DAJE SE SAGLASNOST na Program rada Komisije za zaštitu životne sredine za 2011.godinu.

**II**

Ovaj Zaključak objaviti u „Službenom glasniku Općine Breza“.

## DOSTAVLJENO:

1x Pred.Kom.za zašt.živ.sredine,  
1x 01/1,  
1x Arhiva.

## PREDSJEDAVAJUĆI

Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-05-975/11  
Breza, 30.05.2011.godine

Na osnovu člana 2.12 tačka (6) Izbornog Zakona Bosne i Hercegovine („Službeni glasnik BiH“, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08 i 37/08) i člana 19. tačka 18. Statuta Općine Breza („Službeni glasnik Općine Breza“, broj 8/09, – Prečišćeni tekst), Općinsko vijeće Breza na sjednici održanoj 30.05.2011. godine, d o n o s i

**RJEŠENJE**

**o razrješenju člana Općinske izborne komisije Breza**



## I

Razrješava se dužnosti člana Općinske izborne komisije Breza, Seid Opačin, JMB 0709958171128, :zbog isteka mandata, rješenje broj: 01/1-02-642/04 od 13.04.2004.godine („Službeni glasnik Općine Breza“, broj 3/2004).

## II

Rješenje stupa na snagu danom davanja saglasnosti od strane Centralne izborne komisije BiH i ima se objaviti u „Službenom glasniku Općine Breza“.

## DOSTAVLJENO:

1x Opačin Seid,  
1x Centralna izborna komisija BiH,  
1x Općinska izborna komisija Breza,  
1x 01/1,  
1x a/a.

## PREDSJEDAVAJUĆI

Općinskog vijeća  
Vinko Pandža,s.r.

---

---

## S A D R Ź A J

123. Odluka o bezbjednosti saobraćaja na putevima Općine Breza.
133. Odluka o izmjenama Odluke o usklađivanju sa Zakonom o javnim preduzećima, promjeni oblika preduzeća, promjeni firme i promjeni djelatnosti Javnog komunalnog preduzeća „Breza u Brezi.
135. Odluka o stavljanju van snage Odluke o raspisivanju javnog oglasa za imenovanje člana Općinske izborne komisije Breza.
135. Odluka o raspisivanju javnog oglasa za imenovanje člana Općinske izborne komisije Breza.
136. Zaključak o usvajanju Izvještaja o radu Skupštine Javnog preduzeća „Komunalno“ d.o.o. Breza za 2010.godinu.
137. Zaključak o usvajanju Izvještaja o stanju zapošljavanja na području Općine Breza te o broju nezaposlenih za 2010.godinu.
137. Zaključak o davanju saglasnosti na Poslovnik o radu Komisije za budžet i finansije.
138. Zaključak o davanju saglasnosti na Program rada Komisije za Zaštitu životne sredine za 2011. godinu.
139. Rješenje o razrješenju člana Općinske izborne komisije Breza.

